

鄱陽縣志卷之二

沿革志

邑志為政作也政有本體有適用本體者綱常也天秩之人法之此有沿而無草者也其或沿或草者則有矣適用者跡號也人定之時地宜之以鄱論由楚而吳而越而復楚而秦而自漢至明二千年間其隸屬不一其疆域亦殊此跡之與時沿革者也其號之與地沿革則或為縣或為郡或為州路軍最後復為縣焉國朝因之於前明為沿近於明前為草遠誠適用之政之一端也若夫

鄱陽縣志

卷之二

沿革

一

盛世之政體則皆以人法天者也心法也永可沿不可草者也守土者其悉心思之

饒州府

饒州府古荒服地禹貢揚州春秋時為楚東境旋屬吳越王勾踐平吳屬越越滅復屬楚秦并天下置鄱陽隸九江郡漢屬豫章郡吳孫權置鄱陽郡領縣七曰鄱陽曰餘汗曰鄡陽今南康都昌曰歷陵今九江德安曰樂安曰葛陽今廣信弋陽晉因之領縣八加置晉興惠帝元康元年隸江州都督宋齊復隸揚州梁改鄱陽郡為吳州屬江南東路陳復為鄱陽郡隋復改為饒州以物產

豐饒故名大業三年改州爲郡唐武德間復爲饒州隸  
洪州都督貞觀元年分天下爲十道隸江南道開元二  
十一年分江南爲東西二道隸江南西道南唐主李昇  
據江南建饒州爲永平軍宋開寶八年滅唐平江南復  
改爲饒州隸江東路轉運使景德三年隸江東路提刑  
司元豐四年隸江南東路團練使政和三年隸江南東  
路觀察使南渡後隸建康沿江制置使元至元元年置  
饒州總管府隸江東宣慰使司都元帥府又隸江東道  
提刑按察司江浙行中書省治杭州明初吳宏以饒州  
路歸附改爲鄱陽府隸江浙行省洪武二年改爲饒州  
鄱陽縣志

卷之二

沿革

二

府領縣六九年隸江西承宣布政使司正德七年割饒  
之鄱陽東南餘干之西樂平之東信之貴溪東南都昌  
爲萬年縣領縣七鄱陽餘干樂平浮梁德興安仁萬年

皇清因之府志

鄱陽縣

番古荒服春秋元命苞

春秋時爲楚東境括地志

闔廬十一年吳王伐楚取番史記吳世家故屬吳舊志

周元王四年勾踐滅吳盡併其地故又屬越舊志

周顯王之四十六年通鑑作三十五年楚威王興兵伐越大敗越

師殺王無疆盡取故吳地

史記越世家注

故又屬楚

西門豹令鄴及楚取江南十五邑番其一焉

舊志

按戰國赧王十六年秦取楚八城十七年取楚十六

城三十九年楚乃復取秦所拔十五邑舊編此條在

春秋時為楚東境之下而吳取番越滅吳楚復滅越

俱在後特正之

乾隆己巳志

秦始皇二十三年王翦滅荆虜荆王負芻二十六年分天

下為三十六郡

注

九江郡其一也

史記始皇本紀

秦為番縣屬九江郡

十道志

吳芮初為番令號曰番君

輿地廣記

鄱陽縣志

卷之二

沿革

三

漢高帝五年賴陰侯灌嬰渡江定豫章郡

漢書

豫章郡領縣

十八鄱陽為第四縣

漢書地理志

漢為鄱陽屬豫章郡

十道志

按縣名在西漢當作番易漢書載十八縣遽稱鄱陽

書成於東漢也

乾隆己巳志

莽曰鄉亭

漢書

東漢加邑作鄱陽字

太平寰宇記

揚州刺史部豫章二十一城鄱陽為第十縣

後漢書郡國志

興平元年孫策分立廬陵郡

後漢書注

鄱陽隸廬陵郡

舊志

建安中孫權據吳

輿地廣記

十五年別為鄱陽郡

同上

鄱陽縣隸

焉舊志

晉武帝改曰廣晉

元和郡縣志

鄱陽郡統縣八廣晉鄱陽樂安餘汗鄞陽歷陵葛陽晉興

晉書

按元和郡縣志稱武帝改曰廣晉攷晉書敘次各郡所領縣名仍首廣晉次鄱陽則此改字當是分改之改非更易也

乾隆已巳志

惠帝元康元年有司奏荆揚二州疆土廣遠統理尤難於是割揚州之豫章鄱陽廬陵臨川南康建安晉安荊州之武昌桂陽安成合十郡因江水之名置江州

同上

鄱陽縣志

卷之二

沿革

四

按已前由郡隸揚州刺史以後至陳皆由郡而隸於

江州刺史

乾隆已巳志

五代齊江州鎮尋陽中流襟帶領尋陽郡豫章郡臨川郡

廬陵郡鄱陽郡安成郡南康郡

南齊書州郡志

梁天監二年改鄱陽郡為吳州

通考

按元和郡縣志作承聖二年

乾隆已巳志

陳光大二年罷吳州復為鄱陽郡

舊志

大建十三年改鄱陽郡為吳州

舊志

隋開皇元年平陳置洪州總管府改鄱陽為饒州

隋書

開皇九年改廣晉為鄱陽以在鄱水之北故曰鄱陽

元和郡縣

志

按此改字義當是歸并之意

乾隆已巳志

舊置鄱陽郡平陳廢又有陳銀城縣廢入焉

隋志

大業三年復改饒州為鄱陽郡

舊志

大業十二年十二月林士宏代統操師乞眾國號楚建元  
太平至唐武德五年士宏走死其黨乃散

唐初仍隋置洪州總管府武德五年平林士宏仍改都督

府領洪吉虔饒撫南平六州

太平寰宇記

饒州領鄱陽新平廣晉餘干樂平長城玉亭弋陽上饒九

縣

同上

鄱陽縣志

卷之二

沿革

五

按唐書志新平廣晉長城玉亭四縣皆析鄱陽所置

後七年省玉亭入長城餘干二縣八年又并長城入

餘干又按郡縣釋名上饒亦本漢豫章郡鄱陽縣地

乾隆已巳志

武德五年析置廣晉縣隸涪州八年州廢省縣入焉

唐書

并新平廣晉入鄱陽

太平寰宇記

貞觀元年分天下為十道饒州隸江南道

舊志

開元四年刺史韋玢再析鄱陽地置縣改名新昌

元和郡縣志

按此即前新平地乃鄱之東北境後天寶元年改名

曰浮梁

乾隆已巳志

開元二十一年分江南道爲江南東道江南西道新唐書地理志

饒隸江南西道舊志

江南西道觀察理所管州八洪州饒州虔州吉州江州袁

州信州撫州元和郡縣志

饒州管縣四鄱陽餘干樂平浮梁同上

天寶元年改爲鄱陽郡乾元元年復爲饒州舊本無爲字太平寰宇記

南唐建饒州爲永平軍舊志

宋開寶八年復改永平軍爲饒州隸江東路府志

建炎四年合江東西爲江南路宋史

紹興初復分東西以饒州信州撫州建昌軍爲江南東路

鄱陽縣志 卷之二 沿革

同上

鄱陽宋爲饒州倚郭縣元明仍舊寰宇通志

按舊志稱舊治在故縣去城東六十里後徙今治考

各書所載自開皇并廣晉入鄱陽後凡敘次饒州所

領縣名皆首鄱陽其爲饒州倚郭諒不自宋始矣乾隆

已巳志

元至元十四年升饒州路總管府屬江浙行省元史

明洪武二年改鄱陽府尋改饒州府豫章書

洪武九年革中書省置承宣布政使司領十三府通志復分

爲五道 饒州府南康府九江府屬九江道名勝志敘

明初饒州府領縣六正德七年姚源盜平析鄱陽餘干樂平貴溪地立萬年縣領縣七通志

按舊志正德閒割東南境二十五里立萬年縣乾隆己巳志

國朝因之編戶三百一十二里通志

按本縣之名在江右為最古秦楚之際為番邑番縣迨東漢作鄱陽以後或分或合隸於郡隸於州隸路隸府相沿至今無少變革信名縣哉乾隆己巳志

廣饒九南兵備道署舊在西隅月波門內後改建於府署之西現移駐九江府

鄱陽縣志

卷之二 沿革

七

棠陰巡檢司在立德鄉六十八都去縣西七十五里元時兵燬移駐義感鄉雙港明初遷舊基後仍之雍正二年奉文裁革

石門司駐石門街古廣晉地

劉司空曰自秦郡縣始分世屢更易曰三十六郡曰十五道曰四十軍州厥規不齊矣鄱以古服都江南采甸非成於截補茅土或徙於撤割均得昉列而觀因經立法在良牧自得之毋謂不井田不封建不能復古也劉志

按吳越春秋吳太子定伐楚破師拔番楚懼吳兵復往乃徙郢于薦都註云番音婆而索隱註史記則番

音潘左傳定公六年吳太子終纍敗楚舟師獲潘子  
臣小惟子及大夫七人楚國大惕於是遷郢于都潘  
子潘邑大夫昭公十二年楚子狩於州來次於潁尾  
使蕩侯潘子司馬督囂尹午陵尹喜帥師圍徐杜元  
凱云五子楚大夫大夫而稱侯稱子楚之僭也潘番  
古字通用定公六年卽闔廬十一年攷遷都事諸書  
皆同蓋潘本水名後轉爲番此鄱陽之所由昉也